

Sena - Kupulumuswa Bukhu ya Mulungu - Salvation Scriptures

AEfesu 2:2 mwenemu mukhakhala imwe kale ene pikhatowerera imwe makhaliro a dziko ino, pontho na nkulu wa mizimu ya kuipa inakhala cidzulu-dzulu, nzimu unaphata basa cincino muna ana anakhonda kubvera.

Mateyu - Mateu 6:10 Umambo wanu mbudze kuna ife. Pinafuna imwe mbapicitwe, pantsi pano ninga kudzulu.

Luka 22:42 mbalonga tenepa: "Baba, mungafuna ndithausireni ndiko iyi ya nyatwa. Mphapo mbakuleke kucitika kufuna kwanga, mbwenye kufuna kwanu."

Juwau 16:7-9 Mbwenye Ine ndisakupangani pya ndimo mwene kuti: Mphyadidi kakamwe kuna imwe kuti Ine ndiyende. Thangwi Ine ndingakhonda kwenda, M'matamisi nkhabe bwera kuna imwe. Mbwenye Ine ndingaenda, ndinakutumirani M'matamisi. 8 Iye angabwera, anaidziwisa dziko pinthu pitatu: Kudawa, kulungama pontho na kutongwa na Mulungu. 9 Kudawa, thangwi anthu nkhabe kunditawira.

2 Timoti 2:10 Na thangwi eneyo, ndisapirira pa pyonsene na thangwi ya anyakusankhulwa, toera kuti iwombo agumane upulumuki uli muna Kirixtu Yezu, na mbiri ya kwenda na kwenda.

ARoma 15:20,21 Ine ndikhasirira kakamwe kumwaza Mphangwa Zadidi mule mukhakhonda dziwika Kirixtu, kuti ndikhonde kulimisa basa mule mudamala kulimiswa kale na unango. 21 Mbwenye ninga pidalembwa m'Bukhu ya Mulungu kuti: "Ale adakhonda kumubva mbalongwa anadza kamuona, pontho ale adakhonda kum'bvesera, anadza kam'bvesesa."

Machitiro - Mabasa 2:36,37 Pedhru athimiza pontho na kulonga kuti: "Imwe mbumba yonsene ya Izarayeli, dziwani mwadidi kuti Yezu unowu adakhomera imwe pa ntanda, Mulungu ancita kuti akhale Mbuya, pontho akhale Kirixtu." 37 Anthu mudabva iwo penepi, atsukwala napyo kakamwe m'mitima mwawo, mbatoma kubvundzisa Pedhru na apoxtolo andzace anango kuti: "Abale, tisafunika ticitenji?"

MuHebhoreu - AHeberi 4:2 Thangwi Mphangwa Zadidi zidatambira ife, ndi zibodzi-bodzi ninga zidatambira iwo, mbwenye iwo zidaaphedzera cinthu tayu, thangwi azibva mbakhonda kuzitambira na cikhulupiro.

Jeremiya - Yeremaya 24:7 - Mateyu - Mateu 22:37 Yezu antawira kuti: "Funa Mbuya Mulungu wako na ntima wako onsene, na uunthu wako onsene, pontho na ndzeru zako zonsene.'

Machitiro - Mabasa 16:14 M'bodzi wawo akhacemerwa Lidhya, akhatibvesera. Iye akhali wa ku nzinda wa Tiyatira, akhagulisa nguwo za ntundu wa ropa za ntengo ukulu. Lidhya akhagopa Mulungu. Na tenepo, Mbuya afungula ntima wace toera abvesese pikhalonga Paulu.

Mateyu - Mateu 13:14-16 Na tenepo, pyasimbiswa kuna iwo pire pikhadapangwa mporofeta Izaya na Mulungu kuti: “ ‘Imwe munabva, mbwenye nkhabe kudza kabvesesa tayu. Munaona, mbwenye nkhabe kudza kaonesesa tayu. 15 Thangwi mbumba iyi yauma ntima. Yafunga makutu mbiphopa maso. Mbapidakhonda kukhala tenepa, maso awo mbadaona, makutu awo mbadabva. Pontho mbadakwanisa kudzindikira na ndzeru zawo, mbabwera kuna Ine, Ine mbidaawangisa.’ 16 Mbwenye kutsandzaya nkhwanu imwe, thangwi maso anu ali kuona, makutu anu ali kubva.

Izaya - Yesaya 6:9,10 - Machitiro - Mabasa 28:27 Thangwi mbumba iyi yauma ntima. Afunga makutu, mbaphopa maso. Mbapidakhonda kukhala tenepa, maso awo mbadaona, makutu awo mbadabva, ponho mbadakwanisa kudzindikira na ndzeru zawo, mbabwera kuna Ine, tenepa Ine mbindiawangisa.’

Marku - Marki 4:11,12 Yezu aatawira tenepa: “Kuli imwe, mwapaswa kudziwa pyakubisala pya Umambo wa Mulungu, mbwenye kuli anthu a kunja pyonsene anapipfundziswa na misanje. 12 Toera kuti: ‘kuona mbaona, mbakhonda kudzindikira. Kubva mbabva, mbakhonda kupibvesesa. Pontho toera akhonde kuzungunuka kuna Mulungu, Iye mbaalekerera kudawa kwavo.’ ”

Juwau 12:39,40 Na thangwi eneyo akhacimwana kutawira, thangwi Izaya akhadalonga ponho kuti: 40 “Aafunga maso awo ponho mbaaumisa mitima yawo, toera akhonde kuona na maso, ponho mbapikhonda kupita muntima mwawo, mbacimwana zungunuka kuna Ine, Ine mbindiawangisa.”

ARoma 11:7,8 Tinalonganji mphapo? Tinalonga kuti mbumba ya Izarayeli apicimwana pire pikhasaka iwo, mbwenye ale adasankhulwa apikwanisa. Anango aumiswa mitima, 8 ninga munalongera Bukhu ya Mulungu kuti: “Mulungu aapasa nzimu wa citulo. Aapasa maso akukhonda kuona, na makutu akukhonda kubva, mpaka lero.”

2 ATesalonika 2:10,11 Iye anati acite pyonsene pya uthambi pyakusiyana-siyana pyakukhonda kulungama kuli ale anataika, thangwi akhonda kufuna pya ndimo mwene pikhafuna kuapulumusa. 11 Na thangwi eneyo, Mulungu aatumira kunyengerera kukulu, toera atawire uthambi,

Mateyu - Mateu 13:18-23 “Bveserani, mphapo, pinalongera nsanje wa nyakuwaza mbeu. 19 Ale anabva Mphangwa Zadidi za Umambo wa Mulungu mbakhonda kuzibvesesa, asabwera nyamalwa kudza kabulusa pire pidapita m'mitima. Eneyi ndiyo mbeu idagwa m'mbale mwa njira. 20 Mbeu idagwa pa mataka a myala isalongera ale adabva Mphangwa Zadidi mbazitambira na kukomerwa. 21 Mbwenye nkhabe khala n'dzidzi ukulu ene, thangwi nkhabe michici. Na tenepo, nyatwa zingaagwera, peno angachingwa na thangwi ya fala ya Mulungu, asabwerera n'nduli na mwansanga. 22 Mbeu idabzalwa pakati pa minga, isalongera ale anabva Mphangwa Zadidi mbakhonda kubala misapu, na thangwi ya kukula kwa pinthu pya kunyerezera pya padziko ino, pontho na kusaka kupfuma, pisacita kuti fala ya Mulungu ikhonde kufantsa pontho ikhonde kubala misapu. 23 Mbwenye mbeu idagwa pa mataka adidi isalongera ale anabva fala ya Mulungu mbaibvesesa. Na tenepo, awa asabaladi misapu yakukwana, makumatatu, anango makumatanthatu, anangombo dzana pa mbeu ibodzi.”

2 AKorintu 3:15,16 Ndimo mwene, na lero, iwo angaona mwambo wa Mozesi, nguwo isagudumira mitima yawo. 16 Mbwenye munthu angazungunuka mbatawira Mbuya, nguwo isabuluswa.

Ozeya 11:3-7 - Mateyu - Mateu 11:28-30 “Imwe monsene mudaneta, mbamupondererwa, bwerani kuna Ine. Ine ndinadza kakupumisani. 29 Kwatani ntolo wanga, pontho pfundzani na Ine, thangwi Ine ndine wakukhurudzika pontho ndina ntima wakupicepesa. Na tenepo, munagumana kupuma n'kati mwa mitima yanu. 30 Thangwi mwambo wanga nkhabe kunentsa, pontho ntolo wanga ndi wakululupa.”

Machitiro - Mabasa 26:18 Iwe unenda kaafungula maso awo, toera uwabwerese buluka n'cidima kudza n'cieza, pontho uwabuluse mu mphambvu za Sathani adze kuna Mulungu, toera alekererwe madawi pontho atambire unthaka pakati pa ale adaceneswa na thangwi ya kundikhulupira.’

2 Timoti 2:24-26 Pisatongwa kuti nyabasa wa Mbuya akhonde kukhala mbasosa nthonga, mbwenye mbakhale munthu wadidi kuna onsene, munthu wakukwana toera kupfundzisa, na wakupirira, 25 asatongwa asandike na kuhurudzika ale anapokanya, na cidikhiro ca kuti Mulungu anaapasa kuchunyuka, mbaakwata kuti adziwe mwadidi pya ndimo mwene, 26 toera tenepa, ndzeru zawo zibwere pontho pakubalwa, mbabuluka pa nsampha wa Dyabu, adaamanga toera iwo acite kufuna kwace.

Chidziwiso 3:17-19 Iwe usalonga kuti: ‘Ndine m’pfumi, ndapasiwa mpfuma, nkhabe cinthu cinasowa ine.’ Nkhabe dzindikira kuti ndiwe wakusowa pyonsene, wakupasa ntsisi, n’cherengi, boli-boli, pontho kuti uli cipezi-pezi. 18 Na tenepo, ndiri kukulanga kuti ugule na ine oro wakusungulwa na moto toera upfume. Gula nguwo zakucena ubvale, toera ukhonde kuoneka pezi kwakupasa manyadzo, pontho ugule ntombwe wa m’maso udzoze m’maso mwako, toera ukwanise kuona. 19 “Ine ndisasandika mbandidzudza ale anafuna ine. Na tenepo, wangisira pontho uchunyuke.

2 AKorintu 7:10 Kutsukwala kudabulukira kuna Mulungu nkhabe palusa ntima, mbwenye kusabala kuchunyuka kuti munthu apulumuke. Mbwenye kutsukwala kwa dziko ino kusabala kufa.

1 AMambo 18:37 - Mulungu turn heart back to Mulungu

2 AKorintu 4:4 Iye mulungu wa dziko ino, afunga ndzeru za anyakukhonda kutawira, toera akhonde kuona cieza ca Mphangwa Zadidi za mbiri ya Kirixtu, cipangizo ca Mulungu.

Luka 8:11-15 “Nsanje uyu usalongera ipi: Mbeu ndi fala ya Mulungu. 12 Mbeu zidagwa m’mbale mwa njira, ndi anthu anabva fala ya Mulungu, mbwenye asabwera Sathani mbabulusa fala m’mitima mwawo toera akhonde kutawira Mulungu mbacimwana kupulumuswa. 13 Mbeu idagwa padzulu pa myala ndi ale anabva fala ya Mulungu mbaitambira na kukomerwa. Mphapo na thangwi ya kusoweka michici, asakwanisa kutawira pa n’dzidzi ung’ono basi. Mbwenye pa n’dzidzi wa kuleserwa, asasiya pyonsene. 14 Mbeu idagwa pakati pa minga, ndi ale anabva fala ya Mulungu, mbwenye pakumala ntsiku pang’ono, asabwerera na thangwi ya makhaliro a padziko ino, na mpfuma, na udidi wa padziko. Na tenepo, misapu inabala iwo, nkhabe tokota. 15 Mbeu idagwa pa mataka adidi, ndi anthu anabva fala ya Mulungu mbaikoya na ntima wadidi na wakunyindirika. Na tenepo, anthu enewa asabala misapu na kupirira.”

Machitiro - Mabasa 15:11 Mbwenye ife tisatawira kuti tapulumuswa na kukoma ntima kwa Mbuya wathu Yezu, sawa-sawambo ninga iwo.”

ARoma 8:13 Thangwi mungakhala mu nyama munafa, mbwenye na mphambvu za Nzimu mungapha mabasa a nyama, munapulumuka.